

## Mbeti á Polo sú fœ FilemƆ Tshatshu o'o

FilemƆ kœdœ yanga Polo á tshe yi lima sœ Ɔtsho O'o fœ she. Tshe kœdœ lima anga yindœ Yisu á tshe gbɔ œrœ waa, á sœ ndje dœ akanga. Anga kanga bale á i'iri ye kœdœ Onezime á tshe kpa lima tœ ayengɔ ye dœ FilemƆ, gbɔ Polo kpɔɔ ɓa lœ kánga á tshe sœ lima lœ nœ. Æshe dœ Onezime wuta ndje lima yindœ Yisu yekane á Polo kpa gi she fœ ayengɔ ye á tshe kpa lima tœ ye asœmœ. Ataa, adja FilemƆ kpa yindœ Onezime zœ dá a?

Ala mbetinœ, Polo ki ga tœ FilemƆ adœke tshe kpa yindœ Onezime ɓata ayancœ lœ Yisu mbœrœ azu para kɔkɔ kœdœ ayazu lœ Kristu. Ædœ kanga, œdœ kanga nene; azœ para kɔkɔ kœdœ ayazu. Mbœrœ tœncœ ataa á Polo sœ kœki fœ FilemƆ adœke tshe wa o'onœ dœ tœ ye.

### **Mbetinœ kurutshelœtœ ye atake:**

- Abala (1-3)
- Avwala nœ Polo mbœrœ FilemƆ (4-7)
- Gbetshelœ nœ Polo tœ upu nœ Onezime (8-21)
- Ndɔngɔɔ o'o (22-25)

### *Abala*

<sup>1</sup> Æmœ Polo, á endje za mœ vwi ga lœ kánga mbœrœ akwa nœ Yisu Kristu, dá sœ kœsu mbetinœ asœke œdœ aya azœ dœ Timote.

'A su mbetinœ fœ ɓœ FilemƆ, yanga 'a lœ ama akwa.

<sup>2</sup> Dœ yingɔ 'a dœ Apia, dœ Arkipe yanga 'a lœ koshe œdœ ndje fœ anga ayindœ Yisu á endje ngbɔtœ endje ɓa sœnda nœ zœ.

<sup>3</sup> Kaka Aba azœ dœ Ndjaba, dœ Gbozu Yisu Kristu yisœ ɔtshɔ lɔsu nœ endje ga ndœ 'e yé œ za kœsœ gee nœ endje fœ 'e.

### *Kœyindœrœ œdœ pe kœyindœsho nœ Filemɔ*

<sup>4</sup> Ɔlɔ dœ ɔlɔ mœ sœ kœgbe dœ ɓœ lœ kœza avwala nœ mœ fœ Ndjaba, yé œ sœ kœgi ndje mershe waa fœ she tœ upu nœ zœ;

<sup>5</sup> gbambancœ nene, mœ dji azu kœpa o'o mbœrœ kœyindœsho nœ zœ ga ndœ ayerœ azu nœ Ndjaba para kɔkɔ œdœ pe ndje kœyindœrœ nœ zœ ga ndœ Gbozu Yisu.

<sup>6</sup> Mœ sœ kœyu Ndjaba adœke kœyindœrœ á ngbɔɓa azœ dœ ɓœ ga tœncœ ma akwa, yeka á ɓœ kœwusœ ɔtshœrœ kɔ á a gbɔ lœ kœngbɔtœ azœ bale dœ Kristu dœ ɔtshœncœ.

<sup>7</sup> Aya, yanga nœ mœ dopa nœ kolœ mbœrœ kœyindœsho nœ zœ ga ndœ anga ayindœ Yisu yé mœ ru lɔsu mœ mbœrœ tœncœ. Gbambancœ nene, ɓœ mbœrœ adœke lɔsu ayerœ azu nœ Ndjaba zi tii.

### *Polo yu Filemɔ tœ Onezime*

<sup>8</sup> Mbœrœ tœncœ ndje ataa, Kristu za awa fœ mœ kœpa fœ ɓœ, œneke kɔ á li adœke ɓœ mbœrœ,

<sup>9</sup> kashe mœ sœ kœ'eshondœ nœ adœke ɓœ mbœrœ kolœ lœ kœyindœsho nœ zœ. Mœ yindœ kœyu ɓœ tœ œrœ bale, œmœ dœ yagbozu Polo, á mœ sœ ngɔngɔ asœke lœ kánga mbœrœ Yisu Kristu,

<sup>10</sup> mœ yu ɓœ tœ upu nœ Onezime, á tshe wuta gbolo nœ mœ á mœ zu she lœ kánga ɓa ke.

<sup>11</sup> Utshunœ lima, tshe soesœ lima koembœroe œroe bale fœ 6œ nene, kashe ngɔngɔ asœke, tshe li koembœroe œroe\* fœ azœ dœ 6œ.

<sup>12</sup> Mœ gi she fœ 6œ, œshe á tshe sœ 6ata tshakala kote mœ.

<sup>13</sup> Ɔ li má dœ mœ koegbɔndœ ye 6a indiri mœ 6a ke á tshe koembœroe akwa fœ mœ tœ œsœ zœ lœ kánga á mœ li lœ kumu Ɔtshɔ O'o.

<sup>14</sup> Kashe mœ gbegbe koembœroe ataa utshu koedji gbetshelœ nœ zœ nene. Mœ soesœ koetovworogbo 6œ koembœroe ɔtshɔroe fœ mœ dœ ɔgbɔ nene, kashe œ li dœ 6œ koembœroe œneke á lœsu zœ yindœ nœ dœ tœ zœ.

<sup>15</sup> Anganœ endje kurutshelœ 'e dœ Onezime ndœ olo teasho adœke 6œ kpa koekwatœ zœ ga ndœ ye waa dœ waa.

<sup>16</sup> Ngɔngɔ asœke, tshe kpa dœdœ kolœ kanga nene, tshe ropa kanga ye. Tshe wuta aya azœ á mœ yindœ ye tɔpanœ kpuru. Mœ yindœ ye waa kashe œ6œ, 6œ kpa yindœ ye tɔpanœ kpuru œdœ 6ata uzu œdœ 6ata yindœ Kristu.

<sup>17</sup> Ɔdœ 6œ kœwusœ nœ adœke œmœ koedœ adja yanga zœ, za osho kœsœ fœ she 6ata á li dœ 6œ kœza má fœ mœ.

<sup>18</sup> Ɔdœ tshe koembœroe lima ekperœ fœ 6œ, œdœ kudá nœ zœ kœsœ ndje lima lœ kumu ye, za djigi ga pa mœ.

<sup>19</sup> O'o asœke adja mœ dœ Polo dá su: œmœ mœ gi kudá tshaangba ye para kɔkɔ fœ 6œ. Kashe œ6œ ndje, 6œ gbe dœ kudá nœ mœ á sœ pa zœ kane: kudánœ asœmœ koedœ soro zœ.

---

\* **1:11** Ada i'iri Onezime dœ o'o ama ogo Agreke koedœ: liaka koembœroe aya œroe

<sup>20</sup> Atamœ aya, mœ yu 6œ adœke 6œ mbœrœ  
 ɔtshœrœ fœ mœ adœke ɔsu mœ zi ti mbœrœ a sœ  
 bale lœ i'iri Kristu.

<sup>21</sup> Mœ sú mbetinœ asœke fœ 6œ dœ ɔsu adœke  
 6œ mbœrœ œneke á mœ eshondœ nœ ga tœ zœ  
 yé mœ wusœ nœ adœke 6œ kpa mbœrœ kœropa  
 œneke á mœ gbe dœ tœnœ.

<sup>22</sup> Ga pa nœ, œ li adœke 6œ guma osho olo fœ  
 mœ mbœrœ mœ wu adœke Ndjaba œ dji avwala  
 nœ 'e yé œ kɔrɔ awa fœ mœ ndœ kœna ga ndœ 'e  
 zœ.

### *Abala nœ azu fœ Filemɔ*

<sup>23</sup> Epafraze á 'a sœ dœ she lœ kánga mbœrœ  
 Yisu Kristu, vwa abala fœ 6œ.

<sup>24</sup> Aanga mœ lœ ama akwa: Marke, Aristarke,  
 Demasi œdœ pe Lukasi á 'a sœ tœ kœmbœrœ akwa  
 nœ Ndjaba awa bale dœ endje asœmœ, para kɔkɔ  
 endje vwa abala fœ 6œ.

<sup>25</sup> Kaka adœke Gbozu nœ azœ dœ Yisu Kristu ma  
 ɔtshɔ ɔsu nœ ye ga ndœ 'e.

# **Mono**

## **Mono New Testament**

copyright © 2020 Wycliffe Bible Translators, Inc. and ACOTBA-SUBO

Language: Mono

Contributor: Association Congolaise Pour la Traduction de la Bible et  
Alphabetisation - Sukisa Boyinga

All rights reserved.

2025-05-14

---

PDF generated using Haiola and XeLaTeX on 14 May 2025 from source files  
dated 14 May 2025

fe1a9e91-0d4a-5969-816d-e467ff6cc983